

補

勤

詩

存

續刻補勤詩存序

天風也海濤也噫噎也蟲吟也雨閒之大鳴也胡以鳴  
疇鳴之胡以不鳴疇不鳴之莫之知也昌黎曰物不得  
其平則鳴言乎其自鳴也又曰擇其善鳴者而假之鳴  
則必有鳴之者矣人之於言也亦然有不得已而後言  
文辭之於言鳴之精焉者也其自鳴其不平者系乎其  
人其所以致其不平而鳴之者則系乎其天也補勤非  
以詩鳴者也前集二十四卷自敘壯游編年紀事騰騰  
若釜上氣讀者莫知其才與志之所至則謂其以詩鳴  
時則東南多難予與補勤猶袞袞名場走四方求一面  
不可得越十餘年歲癸未補勤不得志主講里門子亦

抱一官之江東樵百貨得相見於鑑湖快閣閒布韞青  
鞵傾談索日慨然有方山高隱白沙講學之思及與論  
世事則精悍之色動於睂翹然後知補勤之所鳴有在  
也無何山左郡邑遭河患補勤赴大府召再出山旦暮  
且別去明年甲申補勤寄題予退耕補讀圖且曰自今  
凡所著述皆將及吾身而梓行之亦可悲已其續刻自  
丁卯迄今蓋七年所歷蹇屯顛沛撓骨肉之痛極身世  
之憂而補勤慷慨無異昔時年益老道益窮學亦益粹  
此其所爲詩自鳴耶抑亦有擇而鳴之者耶向使補勤  
蚤遇於時得因是以鳴國家之盛將不屑屑以詩鳴而  
卒僅以詩鳴者非鳴者過鳴之者過也補勤爲詩以才

力勝議論古今多所寄托贈答必寓諷諫無溢美體物  
精覈工比興每有作必鉛黃數四易稿乃成晚年尙格  
律擅氣韻取徑高曠漸少長篇或訝其衰也夫人生百  
年備四時之氣者也以雷鳴冬以風鳴夏而轉爲沴者  
非其時也詩本性情而謂能以春夏鳴秋冬耶讀補勤  
續集者其不可以不知此光緒十年五月粵西陳瑒鹿  
生氏書於天台郡齋

補勤詩存續編目錄

卷之一

光緒戊寅己卯

海嶽後游集上

古近體詩七十九首

卷之二

庚辰

海嶽後游集下

古近體詩一百十八首

卷之三

辛巳壬午

莪伊餘感集

古近體詩九十三首

卷之四

癸未

戡里贈言集

古近體詩六十七首

卷之五

癸未甲申

迴瀾後集

古近體詩八十七首

補勤詩存續編卷之一

山陰 陳錦 晝卿

海嶽後遊集上 戊寅

詩以言情也情由景出江山之助我良多情緣事  
生憂樂之感人不少自前集梓行後戊寅周巡泰  
岱庚辰于役登萊中間疾痛顛連家門多故愴懷  
骨肉不免哀商變徵之音顧以情隨事遷學與年  
進凡贈答懷人之作登高卽景之吟或且窮而彌  
工老而益壯聊復存之以自驗其性情醇駁之徵  
與夫學養淺深之故所謂詩中有我甘苦則祇應  
自喻也續編之刻是爲發端謂其始登岱而迄海

防也曰海嶽後遊集分上下二卷

登岱題名

千巖萬壑聳霞宮木德參天表大東行到雲邊山一半

半山猶在翠微中

自紅門登盤路

百代摩厓御道旁文人環詠帝巡方舉頭誰敢題黃鶴

第一名流是素王

登孔子崖

直上青冥萬象卑登封篆石大文垂秦斯昧死陳功德

到此偏留沒字碑

無字碑

平坡十畝臥銀屏瀑布懸崖百丈青一洗古今文字障

水簾飛雪寫金經

經石峪

五月披裘宿洞天瓊宮香火逗吟緣詩成擲筆雲生甕

便向風雲頂上眠

宿岱頂

平明日觀看東瀛兒輩相將捧硯行報道此身登絕頂  
不登絕頂不題名

題名望吳峰曰光緒四年四月二十日山陰陳錦同子昌沂登岱訪碑至此

奉檄溯行汶源途次有作

來汶樓前水官山頂上泉籃輿行百里蘚碣認千年浴  
蘭桑陰雨飛鵲麥隴煙鳴騶還著屐鄉思觸鷗天

地僻尊泉老山深有水官

泰安府經縣佐皆職司泉源

板橋緣岸窄

竹筧到門乾汶濟天渠趵突徂徠盜數寬鄉氓趨馬首爲

道比閭安

孫怡軒觀弈圖



夜雨秋燈短夢醒竹樓琴韻隔簾聽百年彈指忙何事  
袖裏青龍未吐經

射獵名場興已積笑看方罫陳雲開老人自有消閒法  
不爲東山賭墅來

眼前黑白設分明世授韜鈴慣不爭只是神仙耽玉局  
錯疑紙上又談兵

爛柯山下石盤盤橘隱壺中歲月寬世事輸贏渾不定  
可堪國手是旁觀

孫遊幕青州

十一月望日豫東屏張海帆蔣輯五張樵野王  
春亭張雨琴姚叔英任靜波彭漱芳姚鶴巢諸  
同官爲消寒雅集卽席賦贈

小結林亭選勝幽雪泥鴻爪此句留門前車轄陳遵井  
天半琴尊太白樓隔歲梅花容有信一年明月況當頭  
陞歡重敘滄桑後卻憶江湖戰馬秋

短檠長缺夢痕涼攘臂羞登射獵場韻事舊聞貂換酒  
閒情時爲鶴愁糧看花人瘦霜初白望嶽詩成鬢已霜  
絲竹東山懷故里亭邊曲水尙流觴

曲水亭在院署西北適與蘭亭曲水

同名

鐵公祠

在大明湖心

和姚鶴巢觀察

光緒作

近日揮戈計不成當頭棒喝六龍驚受降城下懸門發  
想見青天霹靂聲

耿耿孤忠貫白虹可憐匕首見圖窮賢豪儻有回天力

博浪一錐無祖龍

寄命嬰城大節臨肯因天意易臣心讀書種子關名義

正學祠堂共古今

濟甯有方正學祠堂在漁山書院前十年宗滌樓先生重刻遜志堂全集

板作

祠中

砥柱中流事不常文成何幸竟擒王莫將成敗論前哲

萬古明湖蕤瓣香

病後答青草堂七夕詩用原韻

離合如斯我亦憐長生殿上鵲橋邊枉教兒女私鍼綫  
莫信天孫擲聘錢雲裏衣裳今夜月機頭縑素故人年  
才豐遇晉尋常事多費愚公乞巧篇

題劉耘藍年伯遺像

己卯

詩酒承平日乾嘉詠若才伊涼名將老

出守嚴隴客星

來

出守

古道不可作斯人安在哉披圖重展謁垂白勛

蘭陔

時公嗣與子同官山左告養歸

尼山硯

石色似猪肝面平邊如漏痕大者方五

孕靈巖出泉竇面堅瑩體縐瘳磨石鼓書史猶魯壁無

甄土甕漏譬洵孔井得周螯漳泥漢瓦皆中壽

楷木杖

聖林子貢手植樹間生外林今輒以作杖色黃理膩者貴

貢鄉樹蔭鯉庭太乙降藜火青叩壤脰負手行墓廬鬱

鬱成鄧林嗟彼何陋

荷蓀作何陋見漢碑圖贊

徒耦耕斧柯儻可假

掌握扶羣生赤藤繞地蒼龍鳴

孔子擊磬碑

漢畫石刻石上橫孔子擊磬圖下橫柳惠坐裏圖皆無贊左下橫程

嬰輔孤圖有贊上橫丈人何區贊無圖蓋橫石而左右軼者嘉祥新出土今移置武梁祠石室

匡圖已解琴不鳴皋比小坐球玉硯轍環所至盡桑漢

天下幾人知磬聲漢碣大書何饋名

圖作四人上坐一人伏案前擊編磬

門外一人立聽手執圖器題名曰何饋

杖人之杖柳惠柳

丈人贊作杖人坐懷圖上有柳

趙氏之忠嬰若曰相逢片石同不朽擬人何必于其倫

老韓合傳龍門有

謂孔惠與程嬰不倫

孔子見老子碑

漢畫石刻作孔老下車相見圖嘉祥新出土今植濟甯州學

輿中鳳柱下龍禮有問道不同遇塗接軫何躬躬一卷

青牛經關尹猶未逢坐令聖人徒曰師耳曼翁此圖一

出歧儒宗微神禹洪水洪微昌黎天井中

聖蹟殿漢瓦

殿在曲阜孔廟瓦厚寸許高廣倍凡瓦今尙存數十葉廟屢灾弗及

相傳爲  
漢物云

片瓦千年屋聖蹟范金削玉堅如鐵云自漢元嘉立廟  
置百石此殿獨完免焚劫開鴻都門探魯壁想見經生  
拱護門牆力毋任百家言成瓦裂東觀諸儒始建瓴宋  
人斷斷拾餘礫

周公廟敲器金人

廟在今曲阜城東魯太廟故址器容一斗人長三尺餘倣

製流傳莫知所自  
至今尙列廟中

饗饗廟摩兜韃戒貪止佞懸龜鑑敲器形金人銘制器  
尙象尤丁甯惟昔魯太廟禮物脩宗周用凜奉盈徹易  
由故宮自禾黍贗鼎存千秋陟降元聖歆魯侯毋俾言  
貨悖出入撲滿一聲淚銅狄

泰安明堂泉

明堂遺址在泰安城北十二里荒臺蔽畝石級參差高以丈計志稱

周天子朝諸侯處有泉南出百里而入於汶

明堂位魯而周明堂泉峙而流故宮禾黍華屋邛宣曰

毀諸軻曰不

讀平音

殘碑矧最肩老樹蟠龍叫一堆亂石

荒山秋七十二君此封禪翠華球玉誰南面歸存何獨

靈光殿

臨淄齊王墓

墓二阜阜五峯志載桓景二公族葬在淄河東與晏子墓三土墳相

望

九合主威荆蠻千駟侯涕牛山泉臺岌岌臨郊關淄河  
水流潏潏五指峯羅煙鬟長松百尺龍胡攀一坏周土  
今誰是前有晏嬰後三十年年耕種王墳顛慎勿行樵

三士前

題舊雨集答何天根

舊雨集者何吟秋所輯武進高宅陽溫江王再咸烏

程施補華安福鄒鍾諸人遺稿也今續以蓬萊

柳培繒掖縣翟熙典并王午橋司馬蔭昌湯東

笙大令鉉徐許卿郡守啟謨

遺詩開卷慨然用志感喟

便宿三年草還留半卷書斯人而可作吾道更何如明

月登樓夜秋風下榻餘卞和今已矣天下識璠璣

喚舊驚新鬼開編見故人十年爭戰地一輩苦吟身世

事本無分文章殊有神艱難存後死大雅此扶輪

書碧血錄後

是錄所載天啟閒璠禍被逮六君子獄中遺書皆燕客所目擊而盧

抱經梓行者獨闕左忠毅周忠介二公書同治

間左七世孫宜似出家乘血書十則并漁洋居

易錄周忠介書三則屬補刻

之不果至今耿耿爰誌以詩



忠鯁天成死不磨獨持清議抗羣魔可勝峻藥攻狂疾

無復微暄養太和六出黃芝空指倭

六君子下詔獄時獄神祠忽生黃芝

如盤飴

傾巢白雀盡羅羅

忠毅鄉舉之年有白雀千餘巢樹以為瑞及被逮日白雀

六出壽州某所羅公弟購歸寶之旋

何人守拾蓂宏血茶

死于狸奴即忠毅獄中畢命日也

注淋滴血最多六君子應比日許各家人就語脅下尺

手故至今未傳於世

誰當執法掩星鉞

是年春月入太微犯左執法占主司衡大臣非辜被禍楊左當之

元

氣摧殘一網張豈有純臣逃鼎鑊徑將遺體付豺狼天

心不恤椒山死黨禍終階洛社亡稍忍須臾神主出

乙

丑被禍至崇禎戊辰追恤中隔四年

忠寬先已侍高皇

每受刑諸忠輒呼高皇帝

林陵秋

江山再造秣陵秋擁戴元勳復社讎壯梅堂集覺挑花扇詞曲中語間

有實同室干戈三鎮惡後庭花月六朝休獄中士氣行

將盡湖上天顏且莫愁太息督師惟一死千年遺恨在

揚州

桃花燕子度新聲琴筑餘哀楚兩生蘇崑生柳敬亭痛惜河防

千里撤可憐君側幾時清左甯南兵白頭選院爭披薙卞玉京

泣路王孫變姓名王之明疑獄惆悵元輝歌舞殿元輝殿選淑女見稗

史聖門前官地少人耕安紀

題壯悔堂馬伶傳後伶金陵興化部弟子也欲狀嚴分宜而恥不若華林

部李伶因走京師為顧相秉謙門卒日侍朝房得其言動三年酷肖分宜遂稱絕技勝李伶

秉翟猶存彼美思瞽矇納誨故稱師齊髡漢朔真司直

羅紉

蘇軾詩有卷之一

七

楚孟

優孟衣冠

秦旃

優旃笑

有妙辭南國兩生歸復社

吳祭酒為

蘇崑生柳敬亭作楚兩生詞

崑山門卒狀分宜

顧相崑山人

人間萬事都

如戲傀儡登場苦不知

夏子松少司馬奉

命巡視黃河賦詩見示疊

和元韻寄齊河行次

運甕無慚

盛代民救時初願已難臻但憑蠡管陳當

軸不為囊錐問要津

辛未二月夏司馬會以河工疏草見商為參末議來書猶詢及之

賦詩言志輒千篇饑溺當前合其憐萬壑朝宗歸禹迹

監于成憲永無愆

開渠轉漕法先民人代天工力共臻莫道鯤鵬能運海

江淮從古是通津

空存賈讓第三篇紙上談兵亦自憐往事無成慚築室

陳書聊以塞前愆

時以舊陳河務書四篇寄呈行次

湘中丁節婦蔡孺人

節婦爲益陽蔡雲帆先生用錫女適清泉丁伊輔學

士子龍川茂才一年而寡天志二十年兄增樹爲徵詩

璇閨遺秀擢湘梧家學親承大小蘇昧旦聞雞歌板屋

爲逢夫壻執金吾

丁龍川以團練積勞卒

鹿車初換少君妝指血偏調續命湯報道蓉城迎故主

霎時栖燕隻雕梁

湘靈斑管女嬰碁代答春暉小草心底事望夫難化石

林逋猶未嗣仙禽

大家文字擬班堅不櫛清才二十年王謝門庭多國士

本來忠孝是新傳

雲帆公爲湘中賓儒門下胡文忠勞文毅皆一代名臣

### 刻勤餘文牘

射策承明願已辜一官一集是真吾溫公作鑑書無草  
永叔修函字必塗世事當年猶戰伐宦情垂老欲江湖  
名山亂後多餘地容得人間五石瓠

蓬萊初日照崑崙岱頂風雲入夢痕早歲雕蟲淪劫海  
中年倚馬歷侯門豈容俗吏無文字不信書生有坐論  
壓倒歸裝誰與其杜陵詩史一編存

### 雜詠

納履仙留侯系鞵帝梁祖袴下與蘆中盛名足千古所  
遇或非時瑟縮就羅罟猛虎能食人畏人亦如虎畫壁

張熊羆豺狼色爲阻

項羽重瞳子猶幸不讀書讀書如秦斯一舉而阮儒哀  
哉名利場無毒不丈夫狺狺吠同聲鴨鴨羣相呼將母  
一人智遂令天下愚

瞽者以耳視聾者以目聽啞者以手語別者以尻行蜚  
駟比肩走商羊一足蹻龍龜生而介鰓魴死不瞑慎毋  
爲水母耳目寄他人

食筍復食筍成竹在胸中胸中自成竹竹節還中空若  
網必在網若治以範銅疏節而闊目枝葉無所容如何  
持首鼠朝暮令狙公

### 再渡齊河

輿渡齊黃先著鞭十年故我尙依然驚沙浴面日當午  
白雨打頭風滿船自有清流偏伏地豈容濁浪竟滔天  
星軺三顧煩宵旰籌策空陳賈讓篇

謂夏子松廣少彭  
錢湘舫星使兩次

奉命  
巡河

### 平原道上

魏城突兀大河濱鍾毓名邦蹟未湮勁節傳家千祿字  
豪華絕代繡絲人燈前絃索花前月雨後桑麻亂後民  
道是隨車甘澍至陂塘初漲一犁春

### 平原途次贈賀璞如大令

璠

世網偏羅野鶴來謫仙猶是近蓬萊多情柳自三眠起  
蚤實花容兩度開不信功名關氣數莫因民社薄人才

胷中礪塊文章滿卻爲澆書借酒杯

賀方因事去官

陳雋丞同年

士杰

陳臬齊門以文字相契蓋五

年矣已卯秋去官將歸衡陽爲題長句贈別

籌筆侯門冠楚材

君以團練得官出曾文正門下

十年犯難鬢毛摧功

名誅宕將軍樹勳秩巍我御史臺蕩節早銜江左命

先奉

命乘臬江蘇

鋒車重指岱東來

越十八年按察山左

相逢何暮湖山舊

一度滄桑一舉杯

鬱林片石水雲寬衡嶽秋高雁影寒老圃黃花開有日  
扁舟紅葉去無端匡時名重猶憂國退食情長不耐官  
半壁南天需砥柱簡書可畏且彈冠

鵬鵬南徙渺難留淼淼黃河自北流朝望於今推極諫



時都下有

詩才從古寓邊愁

湘中人士方嫉洋商教堂斯人不出誰

青眼此別何如況白頭借問著書松老否臨歧持贈一

編投

時以詩文集相贈

李文石小照

北平人

世德承鸞掖清才數鳳毛夜窗燈穗小秋樹井梧高走筆千言富開襟萬卷豪同舟誰得似江月爛官袍

徐孺猶懸榻

時文石由鈕潤生學使署中赴京兆試

終軍正請纓龍門親

鯉對蟾窟試鵬程名士多東道家聲舊北平汪洋懷雅度天半大河行

九日重遊千佛山有感題甲戌登高詩卷後

年年尊酒菊花時眼底滄桑筆底詩冠蓋浮生頑石笑

古趣橫狂榛奇哉左室虛半石道是當年巨靈擘太行  
移過黃河乾神物歸來覓良覲何匪贊擊磬圖柳惠坐  
裏程嬰輔孤軒轅得之志所無半石爲軒轅華所得匹  
夫儻敢匿懷寶合浦安得還遺珠山靈到此思復古假  
手宰官葺堂廡汗九牛興百堵明月可修天可補安排  
十幅舊摩厓位置雙拳新出土回首滄桑又百年風流  
老輩幾推遷莫隨片石消磨盡一度題名一撫然

補勤詩存續編卷之一

補勤詩存續編卷之二

山陰 陳錦 晝卿

海嶽後遊集下

庚辰

是集開卷爲予六十自壽詩維時堂上奉觴階前  
祝嘏賦詩屬和頗足自怡乃未畢稱觥之舉遽遭  
舐犢之傷一鶴驚飛雙鵲並墮臨文嗟悼作歌告  
哀有不能自己者已而東裔構兵北洋振旅追隨  
星使馳役登萊方且倚馬浩歌移情海上而風木  
之悲又及之此亦極七情傷感之甚者矣經歲所  
作得詩百有十首爲海嶽後遊集卷下

六十自壽詩

清風兩袖拂華顛  
荏苒蘆花六十年  
百戰名場探虎穴  
重經滄海見桑田  
侯門倚馬降時輩  
藝苑揚鑣讓後賢  
似水流光消不盡  
半生塵牘伴寒氈

趨庭卅載出山遲  
正是紅羊換劫時  
傭值未能償祿養  
杞憂從此及書癡  
江南枯樹蘭成賦  
夔北悲笳杜老詩  
蒲柳蚤彫緣底事  
天邊烽火鬢邊絲

道逢知己便彈冠  
耿耿才名世不歡  
得馬有時還失馬  
在官一日總言官  
持籌海屋軍聲急  
草檄樓船浪迹寬

太息望洋書十上  
披圖爭看敝雲寒

謂洋銘  
隊敵圖

救時良將本書生  
記室論才半請纓  
敢是男兒憐性命  
錯教文字掩功名  
十年重上長安道  
兩度躬逢大難平

拋卻韓刀持手版巾箱詩史一編成

短檠長劍苦湔磨柳雪琴裝瘦馬馱絕頂風雲凌泰岱  
兼天波浪挽黃河感懷絲竹愁還聽行世文章老漸多  
只道桑榆能報國名山歸計更蹉跎

一官一集趁浮鷗故里蒹葭租歲不收護閣春暉依繡鳩  
橘庭遺蔭感椎牛稱觥弱息剛投刺捧硯童孫亦希韓  
差幸高堂登大耋願分餘算助添籌

橘庭遺蔭爲  
幼時讀書處

湖上偶行東趙菁衫

瓦屋檐頭雨銅街屐齒齒泉瓜壺矜蚤實蒹葭憤豐年隻  
影墓田鷺一聲孤樹蟬忽疑城市遠天上鑑湖船

五月蓮初葢三年柳可材饑鷗輕似雪病鶴瘦於梅向

日葵偏智無言石不才翼然亭木杪山意隔城來

老坐其誰語無聊乃痛游敗荷風裏岸深竹水西樓雨

既雲猶滴潭空月不流詠歸收晚景鷺鴨野塘秋

詩到窮愁日身猶老健初戎機聞海電

海邦以電氣纔代蠟丸奏事速

於置郵近聞俄夷在日

本國滋事海防戒嚴鄉思迫家書薄宦今孤注流光

我四餘毋爲病衰白開卷但歛歔

再至明湖

無聲清濟穴城流信馬曾將華不周照壁喜菴

南人甯愛蟬

喜蜎

韓詩照壁喜見蜎註江南本無蜎開元初一載塗主簿以竹筒盛蜎過江乃有之韓北人故云

聞圓

馱鳴

不聞牟

牛鳴

漁洋詩派三唐接拓跋碑題六

代收空憶吾家投轄井一泓秋水草堂幽

讀韓文

朝天詆佛抗臨軒正學遙探性道原硬語坐令三四讀  
畸經立廢五千言百家門戶辭而闕八代津梁竭盡援  
不讓荀揚延墜緒由來鄒嶧是淵源

津民義

同治庚午天津龍會忿殺洋人朝論以十五人置法償之弭邊衅也某姓者年七十矣夷然就戮無怨色津民至今義之

公然發難動邊塵義憤偏由市井臣振臂一呼驚四徼  
就刑無愠示千人瞳瞳海日天猶赫奕奕中朝國有民  
抵得佩韋顏氏墓姓名誰與勒貞珉

烏夜啼悼亡兒昌沂

四月初十日作○昌沂幼

鄉闈不售援例以鹽大使分發山東甫試仕匝月病瘵百日而殂有大篋吟草六卷手鈔待梓

烏夜啼烏莫啼下有吾家昨夜新寡妻攜雛向天哭哭  
久聲爲低 上堂看重慈重慈一頭白一首夥夥者子  
女六七無一在白者抱孫當子何依依生依依死如遺  
可憐耄眊雙目迷烏夜啼

烏夜啼烏莫啼寒燈總帳吟霓懷前有手鈔詩卷自輓  
句後有氈椎名揭親標題零縑斷石點點飛鴻泥 袞  
斜大小通武梁左右室歐趙著錄之所遺張之病閭精  
攷稽心肝嘔出十指抵一棺不可攜烏夜啼

烏夜啼烏莫啼孤兒卅角牀頭栖長跪送阿爺痛著新  
麻衣直聲引頸號荒雞 回頭視阿母阿母哭淋漓爲  
言勿淋漓重聞二老傷心脾大夏摧高粱上下無所依



以孫爲子婦爲兒反哺反哺來靈旂烏夜啼

哭大獐三首

中年哀樂已傷神投杖呼天痛更眞三十男兒偏薄命  
九京阿母亦詩人青雲負爾傳家學白髮憐余許國身  
便道英雄能割愛含飴何以慰衰親

名僧名士轉輪忙

兒自言一世爲山右諸生一世爲某寺僧皆不壽

記得前身

事渺茫淡泊一衿生有自收藏千卷死難忘燈邊索句  
都成癖病裏工愁徑斷腸只道邯鄲同入夢霎時先我  
熟黃粱

三生遺蛻骨曾枯夢斷風雲岱頂孤忽報青驃騎石曼  
不容白鶴送林逋九齡空憶無憂者一臨驚傳有慟乎

知汝蓋棺先論定當年多此一呱呱

檢大麓遺稿有感

夢返前生畫剝開禪房經卷手親裁空門偶借雙僮引  
病褥都成二豎災六月重投慈母抱重泉爭喚阿威來  
謂亡弟治卿嘔心嘔血千秋事不是人間老死村

詩從窮處易求工夷視彭殤問太空造物忍施翻手雨

出門常遇打頭風手鈔集滿身先死自輓聯成卷未終

那得廢書不三歎趨庭人在畫圖中

遺稿自畫小象并題

好事由來是僅存文章欣賞出家門老蘇傳子難爲父  
伯道無兒賴有孫人世偶遭脩短數天心甯作報施論  
而今百緒須親理手述淵源示後昆

悼大麓並懷釀雲古蓀霞仙諸姪

察察書叢鼠迹忙條條銀燭淚痕長修篁苦雨當霽折  
獨樹驚風刺骨涼垂老文章經鬼讀滿門桃李盡神傷  
生平此慟真千古卻憶昌黎十二郎

枉教身世極煎磨過眼韶光一刹那地下成羣呼後輩  
天邊作苦贖頭陀空留文字因緣在其奈詩人晚景何  
若使遺書當遺挂愁痕還比悼亡多

自題悼兒詩後

悔因文字洩英華薄植難當峻望加六十行僧還面壁  
要傳衣鉢與誰家

門前嘉樹不成行小草先蒙六月霜就是黃華留晚節

滿城風雨已重陽

夜坐書所懷

舌底澗翻筆底花愁邊尊酒客邊家  
開門喑喑啼桑扈照壁泔泔涎  
薛蝸壯志本無當食歎老懷時有  
碎琴搗秦鳴楚些騷人筆獨繭哀  
絲嫠婦車

抽刀斷水水成河卻雨垂簾簾更波  
冉冉勞薪煙不滅瀟瀟苦竹節偏多  
寒燈老燄支蓮萼敗堵秋衣袖薛蘿  
我是無枝桐百尺一空依傍立巖阿

大簾之喪三十有五日矣夜帷望祭而雨

杜鵑啼血不成音殘月回光墮樹陰  
冀野空存千里骨廣陵長抱獨絃琴  
將軍斷臂猶酣戰豪傑傷心輒痛吟

搔首問天天不語對人終夕雨淋淋

端午前一日和菁衫與周渭伯金子陶姚松雲

同遊湖上之作

坐老湖鄉水一隈吟詩鎮日九腸迴風前痛折平頭筍  
雨後酸聞墮地梅舊夢江山愁蠟屐中年絲竹悄銜杯  
只今壯志難消歇肯負櫻廚片席陪

五月十七日同善堂有作

浙省義園

梓鄉靈爽姓名知喚舊驚心某在斯骨肉參商千里隔  
家門蛩駟一身支縉紳送死胡多禮旅櫬歸山行有期  
葬弟葬妻還葬子不應同在葬親時

福慧兼修欠幾生竟將年壽易聰明忽收身後文章報

浪得人閒惋惜名猝爾殯衢棺似蛻居然出絳柩無聲  
安心就道夫何戀鄉鬼猶多舊雨情

屏角詩痕圖

亡兒自作此  
圖并其集

淵源家學始閨門毛裏文心具夙根轉瞬壘頭新畫  
幾時屏角舊詩痕古懷不懈參斯邈淒詠無端倣李溫  
微倖抗衡名下士生才天作百年論

前生長爪百年身再世青雲志未伸非望才名驚老輩  
待鋟遺稿繼慈親傾城出弔公行子竟夕無眠第五倫  
奇禍當頭應自返怨尤何故及天人公行子應是喪子  
故表而出之口有  
子之喪書法與有姊之喪同  
舊解作人子之喪予嘗疑之

不寐

繞逕靡蕪恨未刪愁痕黥積雨中山杖頭甌墮休重顧  
掌上珠沈本不還日枉九迴腸鹿鹿夜徙十起目鰥鰥  
卅年天奪吟詩鬼妻子緣慳兩淚潸

曙燈殘月斷更遲搗枕搥牀有所思豐下愧無收子相  
折髻已及病魔時驚心東野年幾老回首西河罪莫辭  
好友誰當黃魯直勉教君美讀韓詩昌黎集孟東野失  
連產三子輒失之幾老念無後以悲懼其傷也推天  
命喻之黃魯直嘗書此詩遺石君美君美亦失子者

湖邊

萬柄新蒲一畫船短亭長淀泊鷗天湖邊鄉思牽犁牯  
橋畔南風送杜鵑水牯牛牛之黑而大者南人用之耕  
北地所希濟南容或見之句用蘇內  
翰泗州岸上聞驪駃聲兼  
邵子天津橋畔聞杜鵑事倒食有孤甘節蔗悄歌無解

續編

補勤詩存卷之二

七

苦心蓮城烏頭白獨何往衰柳千絲叫暮蟬

以大麓吟草六卷乞序於青草堂主人並求點  
定有作

曾藝南豐一瓣香况因秋柳識漁洋登雲有路蹇先折  
立雪無緣足頓僵差幸高軒過韓孟獨留詩序待歐陽  
而今莫問人琴感三十年前已悼亡

謂絲雲集

濟南名士幾詩豪牛耳吟壇地望高潤色湖山稱老輩  
平章文物及兒曹劇憐後起風流絕賴有先生月旦操  
道是龍門聲價在遺篇珍重乞揮毫

秋意

飛鴛墜翼燭櫳搖穴蟬

蟬名

登封也

石礎潮戴月焚



香晨咒筍背人起草夜彈蕉紙窗燈火雷長喙筠管九  
泥鼓細鬢瞬息庭梧秋意到可勝愁緒觸琴挑

柚子青青菊葉抽傲霜佳種滿林幽龍鬚涼裙風千縷  
鴟吻高春月一鉤豆蔲無絲縹絡緯苔衣有縫縮蝸牛  
披帷顧影寒燈笑何意詩人也白頭

續烏啼曲

并引

郎里笙歌之夜豈容別浦啼鵑湖山裙屐之場忽報  
空梁落燕是固文人所寄慨而時俗所厭聞者然而  
爲牛折齒生也有涯舐犢傷心情何能已詠斯歎歎  
斯感蒲柳惜乎先零歌有思哭有懷匏瓜痛其不食  
蘭有孫而未茁桐無枝而益孤春雷不鳴秋霜其實

雙鳶並墮動雲愁雨泣之聲老雁淒吟成竹濫絲哀

之響用常隍引藉乞贈言

沂兒之卒也作烏夜啼哀之其婦姚毀瘠減餐相繼

得疾越三月自分不起以絕粒死時八月十二日

也距夫喪百二十日耳作續烏啼曲爲徵題詠

泰山視培塿羅列成孫行喬松倚脩竹老幼相扶將鵠  
鵠鳴樹間聞者主死亡不聞死者哭迺聞生者傷獨鶴  
忽飛去寡鵠啼空房聲聲挂枝兒其音悲且長打人心  
坎裏熱血淘饑腸饑腸有時斷熱血有時涼毀滅性非  
古况有親在堂母何痛徹骨生死不自量閉戶坐總帳  
爲靈慘在傍明器雜琴書殘燈黯無光遺雛纔勝衣偃  
臥長竟牀哀此失父兒苦依垂死娘條條愁緒痕拄腹  
森刀槍當食歎有泣投箸情徬徨豈必絕煙火自然厭

膏粱減饌經十旬撮米三日糧朝嘔一升水夕空五蘊  
藏強飯如強酒勸餐憐姑嫜飲藥如飲水良醫失其良  
從茲誓必死不粒夫何妨饑啖綏山桃渴嚙雲英漿心  
清恃茗椀肺熱求瓜瓢胸鬲洞如洗但聞果核香啼鵲  
冷無血喉舌噓秋霜白雲向空盡蛻作寒蠶僵婦自言  
息盡即去無所苦臨死嗟彼二姚裔湘竹流餘芳雁行  
勿呼我既死毋飯僧發六雌則六不幸皆寡殉身以爲常阿姊望門哭仰  
藥引柔吭姊字孫未嫁聞婿阿妹字十年抱木貞劉郎  
妹字劉未嫁劉陷賊女誓死守將毋同根枝一掾悲參  
六年而劉竟歸既婚劉亦尋卒  
商不然雙曇花開謝同一方生也有自來死也母相忘  
婦自言夫婦同一處來圖報答生二憑棺不化蜨扶病  
孫事畢當同一處去不知其何所見

續編

補勤詩存卷之二

九

隨郊邛獨勿念二人老淚流浪浪卅年受撫字不一持

親喪

自言於二親前死不爲孝

哀哀反哺烏鵲鵲自高翔貌孤半分

飛

次子幼出繼留鄉里

九熊猶未嘗四月斬兩緘雙樁廬一場

煢復煢煢行路爲驚惶嗟予倒啖蔗甘苦訴糟糠山荆

自支門手縫秋衣裳主壘無介婦有齊代承筐

予無女以內兄

女爲女從子在東

祚薄而庶鮮祖孫遙相望日暮登長途隻影

行踉蹌豈無葦功親會當歸故鄉泰山何巖巖汶水何

湯湯高官老無家世事多滄桑存此許國身一髮千鈞

當旁人論數奇引咎疑文章文章能禍人麟鳳宜不祥

脩短自有數一笑齊彭殤壯夫恥愁病吾衰還自強長

號依短檠仰叩蒼天蒼

東董楚生

尺瀆衡流頰尾魚半生衰白此權輿卞和自刖因懷璧  
毛穎先髡爲著書墮地當年驚甯馨問天今日喚居諸  
詩日居月諸居當音基居諸皆呼告語助辭今誤作日月解可堪座客還相顧綠滿  
窗前草已除座上客常滿窗前景不除  
沂兒手書書室門語也

答菁衫澁園吟

弦月墮林陰秋燈監夜讀絡緯俄一鳴涼風滿牆屋清  
簾餘棊聲茶鐺水初熟痛澆熱中腸冰瓜削寒玉客從  
故鄉遺楊梅浸醅醪高談良有徒小飲殊不俗何來剝  
啄人郵筒函詩牘新成澁園吟亭臺坐竹木想其揮毫  
時紙上鬚眉綠空庭聞草香茂樹滴新淥閒情時倚闌

寒泉洞池腹一寸二寸魚蜻蜓戲相逐石几涼可凭浮  
嵐遠在目伊吾碧桐陰珠璣織簾縠以之貽賞音愁腸  
滌千斛臨風起浩歌急雨敲窗竹蝙蝠大如掌城笳一  
何促將毋海有波尤恐民不穀閉門還著書老病謝時  
局作詩苦數奇況復傷舐犢宦情夫何爲世事付轉燭  
林端秋意疏屏角燈光蚺悄然張孤桐題蕉不盈幅空  
山儻無人此調彈吾獨

自述卻寄南中諸弟

苟求升斗代菑畬似箭光陰一擲虛竝世誰當知己報  
經年不答故人書憂時良策慚非分憎命文章患有餘  
歸計只需蕪菜熟在山泉水本無魚

題陳雲舫侍御與予同名蕉雪詩鈔後雲舫羅田人亦名錦與賈  
琴巖同捷癸亥南宮咸豐閒琴巖夢榜上大書  
予姓名次及於己字遞小時予將謁選矣因固  
止之並爲予質之神適得名姓榜頭題之句子  
不之信及琴巖登第始知榜頭名姓雲舫當之  
矣後同仕秋曹雲舫由庶常琴巖由就職故夢  
見榜字有大小耳憶予同姓名者獨多乾隆癸  
卯浙榜解元杭州人軼其字道光戊子京兆榜  
第十名字相堂與雲舫而三並世而生文名藉  
甚者尤不易得深以未曾一面爲恨琴巖既下  
世光緒庚辰秋黃岡鄧獻之北部琛以雲舫詩  
鈔見貽並索予全集報之附達一詩以誌向往

琅嬛注籍姓名通兩字泥金印契同慕蘭無心慚附驥  
識荆有願阻飛鴻豈容投杼驚會母肯道爭墩讓謝公  
我亦吟成赤鸚鵡可能獨秀擅江東

晨星零落五陵居袖裏詩筒趁使車開卷懷人三太白

閉門作賦兩相如輸君一第先投筆老我十年還著書  
誰是莊周誰是蝶南柯惆悵夢痕初

送鄧獻之比部

琛

歸京師並致李農部

慈銘字蕓客

軺車返旆接天顏海岱秋高駐白鷗去住兩逢陳仲舉  
怪他懸榻滿人間

巍巍帝里德星隆轄井蛙居愧孟公不是蜚鴻來踏雪

湖山迢遞隔詩筒

聞雲舫詩名二十年今甫得見其所作

舊夢琅嬛話夙因榜頭名姓借他人

己卯舊句

泥金一字塗

天上卻憶三生島佛身

琴巖本名榕後改樹誠夢中見榜上第三字似有塗迹與宋時

王拱壽天榜改名拱辰事絕相似

湖亭送客託詩篇寄語長安市上仙莫問階前春草色



一枝風雨墮雙鵲

時蕤客方致問  
沂兒故并及之

答李蕤客部郎五十登第准就原資紀

恩詩

卻寄都中

蕤客十年農部著作等  
身得第時年五十有二

自顧強臺戰北身  
南宮清夢割紅塵  
可憐見獵還心喜  
喜見題名有故人

陡從郎署聽鴻臚  
唱到龍眠榜不虛  
一第莫名聲價長  
十年前已等身書

何事宮袍爛謫仙  
瀛洲百輩盡忘年  
孟郊嬾逐探花使

閉戶先成感遇篇

是科登翰林九十二人  
君以請就原資不與

杜陵驥子拜師資  
略分論交及項斯  
正是高軒新捧日

嘔心長爪不能詩

去秋吾兒北上試京兆極蒙青眼  
今不幸先露正春闈揭曉日也

晨星天半隔滄桑開卷偏增舐犢傷眼見零秋蒲柳盡

十年來同輩凋零殆盡後進尤多不年江東獨秀數靈光浙東亦稱江東見杜詩題註

詞壇牛耳幾人居耿耿才名老四餘三餘亦謂之四餘老爲生之餘也

莫道風流竟衰歇同時猶見蘭相如陳雲舫與予同名著有蕉雪詩鈔

喪僕

系出同宗名恭武幼隨其母役吾家凡十喪僕三年識字能校刻書集以河工係武職今

夏與吾兒同時病療略血中元日卒有子二齡

穎士門前識字奴羅羅阿大僕幼以阿大呼之最清疏一朝歐

血隨長吉地下於今也校書

迢迢泉路負詩囊冤鬼猶依郭四郎同是無家歸不得

樵青空有淚千行

僕妻寄食子所故云

典琴捧劍亦良材勝似衣冠抱俗胎世上幾人能解事

可憐青眼及輿臺

自遣

種樹成陰待後賢處鐔多福恍先鞭吾吾集苑殊非地  
每每謀新儻不年詩史一編磨盾墨歸裝千卷買山錢  
莫將勝負論時事喝取梟盧得雉毬六博古木質卽今  
戲子面塗黑畫犢  
底塗白畫雉擲得五黑名曰盧采最高四黑一白曰雉  
次之三黑二白曰健又次之以下謂之惡齒皆負矣全  
勝爲梟梟者勇也借梟爲牢

贈兩浙吳筱軒軍門

長慶

奉

命自江浦分軍

協防東海

時俄羅斯  
和議未定

申浦叨陪祖逖鞭談經片席憶樓船

同治壬戌淮軍援  
滬予正司會防軍

船局

江淮鼙鼓同千里海岱琴尊又十年

乙丑以後予  
隨營杭海北

續編

補遺詩有卷之二

三

勦再見君於合

肥相國幕中 專閫書生期報

國

中朝名將重籌

邊鋒車衛

命行程緊爭賦皇華四牡篇

幾經滄海狎飛輪汗馬屠龍百戰身目小齊煙馳畫戟

手攜江月岸綸巾早知歷下多名士

故郡守徐訏卿今州牧陳少珊郭留

樓皆出

君帳下不道天涯有故人北望

神畿星斗近於今麟

閣古儒臣

橫眺秦橋睨二勞蓬萊島嶼浪爭淘

大小勞成山頭秦橋蓬萊廟島皆海

程要

東牟校伍孤城陡

登州重設水師子司操政著東溟校伍錄二卷

北直防

倭管鑰牢

水城卽備倭城

持節幸逢天使下挂弓重見日輪高

功成馬上狂瀾埽會看三山掩六鼇

奉陪吳軍門督兵海上行次龍山有作

十月初六

格格龍山道東征第一程舉頭新月近浴面暗塵生不  
注一峯禿之罌千里晴識途慚老馬十載此行行

馮婦猶攘臂班生蚤白頭代申東道意

此行代撫軍

來其北

溟游燭影郵亭夕雲情佛嶺秋何當慰孤寂吟唱及同

儔

張樵野積子餘偕往

### 蚤發青陽至張店

破曉行長道輕裘壓早涼風高天雨土露重草知霜遼  
左關雲紫萊東海日黃追蹤持節使千里後塵忙

### 行次萊州望海岸

戴星三日走萊東望見扶桑曙色紅怪道此行辭不得

十年前在杞憂中

時爲俄東梗議設防

續編

補勤詩存卷之二

古

王事馳驅興未殯馬蹄輪鐵聽如雷書生有志需年少  
草檄偏任老病材

平度道中有感卻寄石芳九姪

慷慨談兵負寢門獨留健嬾代晨昏長途自遣無它語  
且作高車駟馬論

骨肉彫零淚不禁孑然孤詣老臣心平安二字無人寫  
纔信家書抵萬金

慟憶西河萬念除克家人杳鯉庭虛阿咸差可論時事  
十日應須一寄書

心田種福訖無年百丈愁城入定禪

時方跌坐肩輿

活我除非

醫國手可憐醫國不醫天

姪善岐黃

再贈筱軒星使

江上征顰海上舫天涯臭味幾賢豪摸棱

模棱者摸棱也以手摸棱

乃不有手人爭慣納牖無心我不勞曾共滄桑皆舊雨  
語狀與知甘苦乃同袍奚囊尺稿供先睹勝似相逢贈寶刀

十月十六日吳筱軒軍門及諸同人共登蓬萊

閣有懷癸酉前遊卽席感賦八首

登遼鎖鑰拱興京列島防倭截大瀛海外天然銅柱在

鐵山飛度兩隍城

登界南北隍城島遼界大鐵山西爲內洋東卽外洋

老北山前水一漚文峯頂上石千頭嗟予三過鮫人市

來續東坡五日游

坡老居登五日卽見海市今有詩碣

前度劉郎已八年元都道士早升仙化龍飛去青藜杳

長笛無聲月滿天

呂祖祠道士雲峯以竹枝作長笛同人各刻詩其上今已並杳

面目空勞醉尉知當年水戰習昆池忽聞河上清人賦

偏值狂瀾待挽時

登榮水師予所重整者今調防津沽兵弁閒散

重見南師指北溟揮戈天使載聲靈扶桑日出千門曉

萬丈紅雲捧將星

淮軍航海始自潘琴軒中丞今筱軒繼之兩次皆有予在

星輶持節制全師天岸旌旗夾日馳灞上一軍嚴敵待

大東精銳盡於斯

謂王靜海軍門振字營駐紮福山岡崙

人力能填巨壑深籌邊不盡自強心鼇山何必非蚊負

一駕藤艫十萬金

西人新創水砲臺曰蚊子船每費十萬金東省購其二未至

電掣雷轟

水雷電綫

備具良中朝威望播重洋功成不戰尋

常事指日還來舉凱觴



雨行黃縣

聯鑣五馬指東牟極目秦橋天盡頭喬嶽迴身嚴後扈  
扶輿綠臂引神洲山臨赤岸兀無樹雨帶潮聲時有秋  
省識望洋三面是青齊千里自平疇

溇于故里

休儒贅聳希韞來八斗醇醪醉眼開誰謂優旃非長者  
要知臣朔本仙胎絕纓一笑無威主炙輠千人廢辯才  
終古道旁留故里姓名自是不蒿萊

登煙臺山望之罘崆峒島贈沈子衡大令

世銓

層樓疊閣繞煙鬟千里風帆百里山莫拜牽牛求海市  
而今海市在人寰

海市多出牽牛  
大竹二島之間

目小洪濛駕舳艫敢營華屋宅東嶠多錢善賈成驕子  
人百其身勢不孤

萬國梯航去住便中朝聲教廣如天籌邊不用山河險

大啟重關納戰船

時俄國兵船  
二號泊煙臺

天岸陳兵示不虛輪機火器十年儲六師自古原無戰  
多事廷臣勸進書

之罘雪後送吳軍門歸登州防所與同人言別

赤岸窮邊叵計程北風吹面阻飛旌秦皇何必非明主

萬乘猶勤薄海行

之罘有沙隄十八里  
名秦隄島有始皇廟

釣鼇歸去賸竿絲百丈紅塵一網施除是神仙逃網外

人間登岸便罘

島以網  
形得名

力遏魚龍戰氣腥天然門戶隔青冥山靈翦水迎朝將  
保障東瀛視玉屏

武健文雄集海壘十年一遇此壺樽天公如意留鴻爪

珍重名流聚散痕時吳筱軒軍門率屬歸防同行者張樵野觀察積子餘郡守蔡瑞菴總鎮

唐重菴副戎送行者方佑民關督汪庚生縣令及在關文武歸岡崙防次者王靜海總鎮先返濟南者則予焉

宿福山岡崙王靜海總鎮營帳夜話

未訪梅花驛先過細柳營陣牆千里目鼓角十年聲予

宿營帳者已十餘年矣將士湘淮舊文章瀚海名橫刀杯酒熱惆

悵話平生

岡崙

山徑無車轍沙溝有馬蹏一灣荒海黑八角汎城低角八

續編

補勤詩存卷之二

七

砲臺亦海  
灣要汛  
岸雪動盈丈河冰行作梯前村日向午滑澌  
似春泥

福山塗次

石牆瓦屋古絃地名西一簇人煙夾隴栖爛熟糞廩肥菜  
圃膏腴農力徧葱畦塗冰欲化漸離地岸雪將消半作  
泥最好山根新水下浪紋沙縉翦玻瓈

黃山館

萬樹炊煙白千家屋吻鳥旱田三日雪新水一犁酥大  
野隨山盡窮沙到海無兩村遙相望十里隔平蕪  
海凸高於地濰淄正納潮東來山力王西去水泉驕岸  
裂冰成堵溝深尋作無言道不濟土人謂路難王路  
行曰道不濟

地名屬  
昌邑 自迢迢

卽事一首

短晷長程一月行  
頻量晷刻計行程  
朝朝迎送看紅日  
看到東西與地平

時早行  
晚息

山道行

泰岱尾閭抵瀕洞  
登萊地脈成西送  
宛如覆釜相俯仰  
矯若游龍互道從  
高源墳起水流嘶  
大壑陰號風入鬩  
上山飛鞚登巖梯  
下山駢趾循泉縫  
谷口人家樹赤松  
潮邊島影浮青纓  
民窮土賤官不徵  
歲久田多地無空  
絕頂半規螺髻存  
延袤百幅魚鱗種  
我行再賦踏雪吟  
人情爭道皇華誦  
豈知世事本無難  
不幸吾言適多中

奇冷空勞馬足僵高寒無解壺心凍成羣騾馱來何爲  
千里邊沙率無用閒道初因互市開長途只便波斯貢  
千年有此真崎嶇百折將人苦磨礱僻陋原居菜子夷  
艱危差免潢池弄大荒世界儻無人乾坤草創豺狼共

沙河雪阻

十一月初七日

珍重名流聚散痕飛鴻爪印度千村重搖銀海行無路  
再宿沙河夢不溫舊雨相逢辭戟幕新愁鉤起近家門  
半規寒月孤燈客只作尋梅驛使論

分明珠玉在前程短晷長途我獨行蚤識文章千造化  
悔教妻子擅才名風雲變幻天無主身世崎嶇道不平  
稍忍須臾還坦蕩空勞冷煖逐人情

自灰埠至新河雪行五十里

雪後行經七日程今朝還向雪中行千人共見天心白  
一夕無聲世路平似此高寒偏醞釀豈容蹊徑太分明  
甌甃滿地鋪珠玉不定何時失足驚

登萊之間五百里皆雪中行今日至昌邑知自  
濰淄以西無片雪也卽景得四言

來自冰鯨水國游不知人世有炎洲天荒地老一時盡  
多少青山未白頭

過濰縣轉餉局留贈劉楨齋郡守

嘉幹

將星似斗日邊來表海雄防鐵網開蘇季羣推游說主  
鄭侯聊試轉輪才何當瓜戍周天岸無解蕉彈下諫臺

畢竟登遼稱重鎮備倭城北浪如雷

丈夫束髮便憂時老大談兵敢不知報國君還才似海  
籌邊我已鬢如絲半生戎馬桑滄感千古征人柳雪詩  
併作短檠寒夜話寶刀持贈十年遲

驢鳴

老禿緣何作吼獅呼號悲咽至於斯夜槽殘莖三更後  
午驛長鞭一下時舐犢鹿腸哀欲斷生犧牛語渺難知  
會投藥籠增聲價飽飲阿泉割駟驄

謂黑驄  
夜阿膠

自昌樂至益都途次有作

突入阡窪路南風午日斜軟隄隨步土高礪打頭沙間  
道客一軌前呼辟

音

闐貳車行行茅店近饑渴等思家



將歸濟南有感

三過崆峒去復回  
神仙麾我下瓊臺  
滄桑歷劫消磨盡  
只爲名心未盡灰

歸來渾不斷愁根  
短命長才聚一門  
顛顛先生成後死  
老蘇文字及身存

甘苦相知在箇中  
天涯臭味幾人同  
讀書何必都傳子  
造物生才本大公

鄒平漢伏生故里

口耳千秋業咸陽劫火餘  
人間無隻字腹內有完書  
漏網秦阮外尊經漢學初  
斯文同不朽孔壁魯王居

長山於陵仲子墓

在邑東十里有廟守土致祭

三咽餘生末俗驚萬鍾辭祿博廉名居歆僭視公侯秩  
廟食甯知盜跖耕一掬黃泉甘蚓結九霄仙馭嫉鷲鳴  
千秋合讓嬰兒子威后持衡有定評

青州道上得合肥相國津沽營次書

十年緘口不談兵馬上交遊一別輕湖海相逢如隔世  
江淮諸將尙知名

千言草檄萬言詩空博侯門獎借詞喜說軍中還有我  
無何雙鬢已成絲

只今晚景迫門閭一日催歸兩奉書記得相隨鞭鐙後  
豺狼當道不迴車

小至日自海東歸省感作

歸來先報竹平安莫向階前草色看寄語南檐長納日  
北堂諼樹不勝寒

寢門不豫上官知僚屬同申請禱詞留得春暉完晚節  
會逢來復一陽時

中年哀樂已傷神如夢光陰卅六春謂沂兒事顛倒英雄天  
不管相關休戚感旁人

補勤詩存續編卷之二